



OBAVJEŠTENJE O OBJAVLJIVANJU JAVNOG POZIVA

Općina Stari Grad Sarajevo, putem Službe za lokalni razvoj, obavještava da je dana 20.05.2025. godine, objavljen Javni poziv za finansiranje i sufinansiranje najboljih poslovnih planova sredstvima Budžeta Općine Stari Grad Sarajevo namijenjenih razvoju preduzetništva i zapošljavanju ranjivih kategorija stanovništva, među kojima su mladi, nezaposlene osobe, žene, osobe s invaliditetom.

Javni poziv ostaje otvoren 21 dan od dana objavljivanja. Krajnji rok za prijavu je 10.06.2025. godine.

Kompletan Javni poziv i prijavni obrasci dostupni su na web stranici Općine Stari Grad Sarajevo www.starigrad.ba (Javni pozivi, konkursi i oglasi). Sve dodatne informacije u vezi sa Javnim pozivom mogu se dobiti u Službi za lokalni razvoj, putem telefona 033/282-364; 033/282-447 ili e-mail: dalila.mahmuljin@starigrad.ba; aldin.sarac@starigrad.ba.

Broj: 09-45-4367/25
Sarajevo, 20.05.2025. godine

Služba za lokalni razvoj



OBAVJEŠTENJE O OBJAVLJIVANJU JAVNOG POZIVA

Općina Stari Grad Sarajevo, putem Službe za investicije i komunalne poslove, obavještava da je dana 19.05.2025. godine, objavljen Javni poziv za dodjelu lokacija za postavljanje slobodnostojećih ljetnih bašti. Rok za podnošenje prijave je petnaest (15) dana od posljednje objave ovoga Javnog poziva.

Kompletan Javni poziv dostupan je na web stranici Općine Stari Grad Sarajevo www.starigrad.ba (Javni pozivi, konkursi i oglasi).

Sve dodatne informacije u vezi sa Javnim pozivom mogu se dobiti u Službi za investicije i komunalne poslove, neposredno ili putem telefona 033/282-384.

Broj: 13/1-19-4366/25
Datum: 19.05.2025. godine

Služba za investicije i komunalne poslove



Broj: 02-14-2-1906
Goražde, 16.05.2025. godine

Na osnovu člana 132. stava 6. Zakona o prostornom uređenju i građenju Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 7/13, 16/13, 6/15, 7/17, 8/22 i 11/24) i člana 36. i 89. Statuta Grada Goražde („Službene novine Grada Goražde“ broj: 05/18), Gradonačelnik putem službe za urbanizam, prostorno uređenje i komunalne poslove, objavljuje:

JAVNI OGLAS

Za podnošenje prijave za učešće u radu Komisija za tehnički pregled građevina na području Grada Goražde

Pozivaju se lica zainteresovana za učešće u radu Komisije za tehnički pregled građevine na području Grada Goražde za period od četiri godine u skladu sa Zakonom o prostornom uređenju i građenju Bosansko-podrinjskog kantona Goražde („Sl. Novine Bosansko-podrinjskog kantona Goražde“ broj: 7/13, 16/13, 6/15, 7/17, 8/22 i 11/24), sledećih struka:

- dipl.ing.arhitekture,
- dipl.ing.građevine,
- dipl.ing.elektrotehnike,
- dipl.ing.masinstva,
- dipl.ing.geodezije,
- dipl.ing.zaštite od požara,
- dipl.ing.zaštite na radu.

II

Na javni oglas se mogu prijaviti fizička lica koja ispunjavaju uslove iz člana 132. stav 4. Zakona o prostornom uređenju i građenju Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 7/13, 16/13, 6/15, 7/17, 8/22 i 11/24), odnosno koja imaju najmanje VSS ili minimalno 240 ECTS bodova sa zvanjima navedenim u tački I, sa 5 (pet) godina radnog iskustva i položenim stručnim ispitom.

III

Uz prijavu na javni oglas potrebno je priložiti sledeću dokumentaciju:

- kratku biografiju (CV),
- ovjerenu kopiju diplome,
- dokaz o položenom stručnom ispitu,
- dokaz o radnom iskustvu,
- kopiju lične karte,
- naziv poslovne banke i broj transakcijskog računa.

Javni oglas biće objavljen na web stranici Grada Goražde i u dnevnom listu „Dnevni avaz“, a prijave sa dokazima o ispunjavanju uslova javnog oglasa podnose se u roku od 15 dana od dana poslednje objave, neposredno na protokol gradske uprave ili putem pošte na adresu: Služba za urbanizam, prostorno uređenje i komunalne poslove, ul. Maršala Tita br.2, 73000 Goražde sa naznakom „Javni oglas za podnošenje prijave za učešće u radu Komisija za tehnički pregled građevina na području Grada Goražde“.

Nepotpune i neblagovremene prijave neće se uzeti u razmatranje.

GRADONAČELNIK
ERNEST IMAMOVIĆ

UŽAS U ZENICI Tučnjava okončana tragedijom

Zoran udario
Omera, na mjes

Uhapšen Zoran Sudarević koji je udario nastradalog Mu

● Ispituje se je li Muslića poku

Zenička policija uhapsila je Zorana Sudarevića (54), osumnjičenog da je u nedjelju navečer u Zenici učestvovao u tučnji u kojoj prilikom je preminuo Omer Muslić (66). Prema nezvaničnim informacijama Musliću su povrede nanesene flašom. Iz MUP-a Zeničko-dobojskog kantona nisu se još odredili kada je u pitanju pravna kvalifikacija ovog događaja, odnosno da li se radi o ubistvu, a to će biti određeno nakon obdukcije preminulog.

Uzrok smrti

Tučnjava se dogodila u nedjelju u 23.45 sati u ulici Bulevar Kralja Tvrtka I, ispred fast fooda „AD“ i prekoputa Autobuske sta-



Muslić: Navodno, pokušao stišati osobe koje su divljale

nice u Zenici, nakon čega se Sudarević udaljio s lica mjesta, a uhapšen je jučer u poslijepodnevnom sati-

ma.

- Sudarević je uhapšen i nalazi se pod našim nadzorom. Zakazana je obdukcija tijela preminulog nakon čega ćemo znati tačan uzrok smrti te moći odrediti i pravnu kvalifikaciju ovog djela - kazao je Samir Valentić, portparol MUP-a ZDK.

Tokom uviđaja utvrđen je identitet preminulog lica.

Odranije poznat policiji

Napadač Zoran Sudarević je odranije poznat policiji zbog narušavanja javnog reda i mira. Ima dvojno državljanstvo, a

spominje se i kao Zoran Jurešić. On je imao zabrane ulaska u brojne ugostiteljske objekte u Zenici zbog problematičnog ponašanja.

Poginuo u nesreći kod Mrkonjić-Grada
Danas dženaza mladom sportisti iz Bužima

Harun Šahinović bio višestruki prvak u taekwondou

U teškoj saobraćajnoj nesreći koja se dogodila u nedjelju na magistralnom putu Jajce - Mrkonjić Grad, u mjestu Kovačevac, poginuo je višestruki prvak u taekwondou i kikboks Harun Šahinović iz Bužima.

Dženaža nastradalom bit će obavljena danas, u utorak, u 18 sati na porodičnom mezarju Zaradostovo.

- S velikom tugom primili smo vijest da je u saobraćajnoj nesreći na magistralnom putu Jajce - Mrkonjić Grad smrtno stradao Harun Šahinović, 26-godišnji taekwondo reprezentativac Bosne i Hercegovine. Molimo Dragog Gospodara da se smiluje našem Harunu, da ga učini stanovnikom Džen-



Šahinović: Preminuo prilikom transporta

neta, a da njegovoj porodici podari sabura u ovim teškim trenucima. Na nedavno održanom Evropskom ITF prvenstvu, kojem je domaćin bila naša zemlja, Harun je ponosno

branio boje Bosne i Hercegovine - naveli su iz Taekwondo saveza FBiH.

Upravljaio je motoklom i preminuo je prilikom transporta na UKC Banja Luka.

B. C.